

兩
浙
輶
軒
錄

兩浙輶軒錄卷十八目

章有大有 任應烈 商 盤 商 書 汪師韓

張映辰 董邦達 張映斗 沈 澗 童 基

俞鴻赤 戴永模 屠嘉正 李昌泉 錢曰布

戴夢奎 胡作謀 胡偉然 陳 章 沈子豐

李 秀 金 璧 張嘉論 范延培 吳國梁

沈緒延 倪 文 楊式金 高 勗 馬翼贊

林敷紫 洪承澤 鮑志周 孫人龍 趙錫禮

趙 鎮 李肇開 侯嘉緒 林元炯 李 熙

程 遠 宋 馬 沈元相 錢銘恭 翁年方

蔡元銘 陳應辰 俞良模 張 寅 鄒 尚

范 坊 王元珏 張鵬翎 嚴 曝 鄭 挺

鄭溥 錢中盛 錢際盛 錢德盛 倪繼宗

柴潮生

兩浙輟軒錄卷十八

督學使者阮元訂

章有大

字容谷號祐菴歸安人雍正庚戌進士歷官禮科給事中福建廣東四川三省主考著息勻小稿

題張氏隱居

桑柘陰陰自一村
誅茅結舍此間存
看雲過盡山當戶
罷釣歸來月在門
人到忘機馴鹿豕
俗沿賽社醉雞豚
塵寰獨領幽閒趣
鞭犢扶犁教子孫

出門

年來生計澀鬢髮早如絲
老莫教兒覺貧惟有婦知對人憎
面目乞食拙言辭待結向平願
何年是了期

過訪補堂畱題壁上

匆匆又被小奚嗤
攜得酸寒句向誰
秀色那知飢可療
人生唯有俗難醫
長街安步何愁遠
瘦馬閒拴不要騎
老嫗近來

多解得還商格律到微之

帳房詩次許竹人韻

野宿何堪曲似弓布帷荒度夕陽中問炊省踏遙村月安枕
能遮廣莫風一霎支撐便坐臥明朝相載任西東腐儒漫賦
征人怨差勝相如四壁空

任應烈

字武承號處泉山陰人錢塘籍雍正庚戌進士改庶吉士授編修歷官南陽知府

紹興府志應烈出為懷慶府以振興人文為已任孟縣為韓愈故里應烈創議以韓之子孫襲五經博士大吏

請于

朝特給焉父憂起復再補南陽未入境即擒唐鄧奸民之

為劫魁者又獲大盜李會遂委以全省捕務悉聽節制

肅司趙城請于南陽懷慶等府開礦應烈力陳不可巡

撫據議以覆事得寢母憂歸築室鑑湖之

濱與同人為娛老會久之卒年七十六

隨聞詩話吾鄉任武承太史出守懷慶中年乞病買鑑

湖快閣以居乃陸放翁舊地作詩四首和者如雲甲戌

歲札來索和并招往遊余寄詩奉答終不果往壬寅遊

天治始登快閣先在已久矣精舍數間全覽鑑湖之勝

想在日清福
不波賀知章

蔡英曰庚子歲子應

南巡召試與處泉太史幼君名傑字介三者同寓湖樓得太史移居詩箋今介三以副貢官山西死遍索之郡友竟不得太史詩太史故寄居武林且久商賈意先生遇刻越風獨追太史知于故鄉酬答者寡也

移居快閣

料量家具又多乎一畝之宮足自娛
疊石略存山意思
時花聊破睡工夫
方池濬後畱雲在弱篠移來待雨蘇
清興未妨長閉戶閒情恰稱白髭鬚

敢謂吾廬安樂窩
比鄰風物定如何
菱租魚市生涯慣
麥隴禾塍本計多
烟際呼將能語鵬
沙邊畜得換書鵝
遲他社鼓鑿鑿日擬共村翁一醉歌

商

盤

字蒼雨號寶意會稽人海美孫元柏子雍正庚戌進士改庶吉士授編修官元江知府著賈園詩集

蔣士銓傳畧曰公年十九與同學結社著小山叢桂集

京兆明年登第改庶常習國書散館授編修尋以祿養陳請乞外任得廣西新寧州

牧

上以其親老改授鎮江郡丞詞臣受

恩逾格前所未有也既而權海州牧及南昌令南康守調太

平郡丞丁外憂服闋補施南郡丞攝守篆甲戌權鬱林

牧太平守補雲南守丙戌移元江明年

王師進勦緬甸公跋涉戎行威觸瘴癘受病日深而卒蓋

人以死勤事者也著質園詩幾及萬篇初傲瑣南既而山

採入杜韓元白蘇陸間歌行尤瓌麗縱恣跌宕自喜晚年

國朝郡邑人詩編排

品隋題曰越風

何世璠質園詩序畧曰雍正甲辰春余選拔兩浙諸生

貢於太學商子若兩年最少余愛其文驚為異才越明

年調余廣陵官舍畱之累月生手定質園詩集凡若干

卷質園者商氏別業在越之土城山舊傳為句踐教西

子歌舞處亭臺花竹甲於一郡東髮

就傳婆娑其下平泉綠野不能忘也

蓮坡詩話商若兩編修精音律升菴琵琶對山腰鼓兼

其風致乙卯秋入都路經水西莊余出歌者演劇蒼雨

留詩六絕句其後二首云妙高臺上好風光值得東坡
醉一場解唱幾時明月有元郎本是舊袁郎水西秋景
未凋殘送客留情坐夜闌惱亂好花紅着眼不教攀折
只教看蓋指元郎也昔東坡命袁絢歌明月幾時有把
酒問青天之意是日元郎度曲
毛郎疊奏寶意自吹紫簫和之
隨園詩話商寶意詩集刻成有人摘其疵累余為悵然
仲小海曰但願人生一世留得幾行筆墨被人指摘便
是有大福分不然草亡木卒誰則知之而誰議之余
謂此言沈痛寶意先生有句云明知愛惜終須改但得
流傳不在多王夢樓從雲南歸嘗誦寶意先生憶舊一
絕云鶯花庭院綺羅年箏語琴心記不全賡有舊時金
屈戌畫樓深

錦五更天

皆知名士其最著者周徐彩粹存魯曾煜啟人胡浚希
張徐廷槐並山余族祖思淵聖水會榜之盛無如乾隆
丙辰預僅選者六人周應宿念山張麟錫心葵潘乙震
筠軒羅世芳荅山王秉和鳳山史積琦栗齋諸君皆與
寶軒善寶意嘗作六君咏以紀登瀛之盛又嘗有詩送
筠軒還越云昇平朝野總以紀登瀛之盛又嘗有詩送
局外閑將出處論又莫歎神仙容易別故鄉處處是蓬
萊川梅溪直海中之蓬萊語也可謂立言有體寶意集
中佳句甚多如姑蘇云君王本是堪亡國種蠶何能共

君恩

所錄

復仇廣陵云博得雷塘堪一死賺他杜牧又消魂楚中

學云名心未斷難遺世晚景無多怕

受恩俱極俯仰低徊神遊象外之致

梧門詩話商寶意盤紅燭豐貂成舊夢青衫司馬稱閒

身與楊摶園廷棟昨歲同持司馬節秋風獨上季鷹船

同句

靈芬館詩話寶意太史嚴工言情憶金陵作云金屏

中多宛轉玉闌干外郎風塵秋生廢苑初衰柳人遠孤

鏐又暮潮新綠云林暗昨宵疑有雨畫長深院斷無人

銀娘至淮云葯餌急須調病後簪銀親與卸鏐前送春

云紅袖泥人原是夢綠陰成幘已多時思歸云荒裔倍

增家累重衰齡圖報

國恩難官情大似雲林畫楚

楚烟嵐總不濃讀之意消

欽定四庫全書錄入存目提要云盤與錢唐鴈鶰名價相埒

才情富贍生平篇什甚多

此集刪汰尚三千首云

柯亭椽竹歌

中郎審音先用目以目代耳得椽竹高遷亭古歲月深荒涼

閱世無知音在昔曾經丹鳳食一朝忽作蒼龍吟中郎當日
來吾地青光咫尺含靈異選師總硿配陰陽岌岌一聲風雨
至如此相竹天下奇伏滔作賦胡曾詩良玉在山珠在水無
意寶者乃得之卽今亭址生荆棘人竹俱亡事堪惜神物千
秋遇合中世間何處無焦桐

出郭

幾日秋陰畏出城今朝天氣迴清明西風先到無人處散作
寒山萬木聲

留別魚門

熊繹開疆剩故墟雄風南服近何如盛朝那有長沙謫異代
曾無庾信居宦去尙畱千載跡雁來易附八行書與君窮達
遭譴詆小吏浮沈處士虛

不種田

糊鄱湖者險在秋冬揚澗左里之民乘危掠財利其

溺焉

揚澗左里不種田一生好搶失水船彭蠡風濤天下惡湖中
壞船多水涸獨有揚澗左里民正喜風濤日日作豈無救生
之船防汎兵分財掠貨同橫行亦有周溪諸溪兩巡檢呼應
不靈打不敢嗚呼利災樂禍神所呵太守不禁理則那賣刀
買犢猶可教左里揚澗本非盜

李于野舊構種山亭華外老人爲補圖今秋飲其下遂
賦此詩

李侯愛山能種山翠微落手橫曉鬢大者爲岵小者岵如此
邱壑人非閒五丁力竭靈氣漏石勢學人人更瘦縛草爲亭

潑墨圖一時占盡天然秀我來不見爲山時九仞一簣無由
知家山粉本長在篋與君戲鬪千蛾眉軟塵九陌林塘少踏
天割取蒼雲好彷彿吾家對雉莊丹楓烏柏秋容老西風獵
獵單于臺射鵬殺虎黃雲開好山好水不歸去古槐小巷生
蓬萊嗚呼人生何必居臺省莫笑李侯官獨冷有約須招向
子平何時共訪陶宏景

忠武軍符歌

有序

朱岳韓兩忠武俱有背寇軍寇酒瓶親軍爲大將負
寇者統制而下咸與抗禮此其軍符也符制以銅圓
徑六分高三分鼻鈕以貫佩繩其文一人飛騎背負
酒瓶武林某君偶得於友人行笥中孫編修約亭徵
詩紀事因賦此詩

何年畱此飛騎符非麟非虎體製殊北狩南遷事已矣此符
尙不埋榛蕪李綱旣亡宗澤死九鼎一髮誰能扶堂堂兩公
驍與岳身經百戰揮螯弧酒罍負背弓克敵親軍摩壘爭先
驅權臣在內賊所利肯使大將恢皇圖班師跨驢兩寂寞龍
沙萬里悲鸞輿輸金納幣計真左可惜宋社成邱墟金牌一
召銅印失鄂主抱恨斬王孤舊物流傳神鬼護疑有碧血光
模糊約亭翰林頗好古微詩紀事來通都我讀青史已惆悵
況覩此物增嗟吁是韓是岳兩不辨千秋忠義難淪胥君不
見唐林慟哭六陵發珠襦玉匣歸泥塗

大風渡彭蠡

狂飈挾浪撼高秋屏翳天吳怒未休蹴踏聲隨千騎至混茫
氣接九江浮遙看孤鴈雲中失安得乖龍盜內收只有漁翁

寒翠裏烟波滿目不知愁

宣德窰脂粉箱歌并序

明宣德窰脂粉箱二具本宮中物散落民間向爲萊陽姜學在所得貽其姬陳素素今歸新安汪伯子氏袖白花青形製妍雅真舊器也長洲李碩夫作記甚詳余槩括成詩廣諸好事者

有明八代擅瓷器就中可愛稱宣窰六宮粉黛已塵土
此奩具堪魂銷高廣二寸長則倍四隅兩窰其中楊青花小朵
顏色潤柔莢手澤難殘凋萊陽公子昔好古重貨購得貽嬌
嬈廣陵女兒陳素素施朱施粉皆親調梁氏鸞籠太纖膩沈
郎犀合徒鏤雕凝粧一笑增百媚往往把玩連昏朝故物復
新新復故玉人何處聞吹簫安知遷轉落誰手豪家勝國同

蕭條多羅款式始何代太平御覽名曾標純金製自扶南國
毗塞投報如璚瑤小器流傳有顯晦市衢閭閻真難料粉確
膏池恩賜盡香篝脂盞繁華消姦容浩態憶恂悅百年憑藉
能爲妖不如買取鬪雞盞醉倒花下春光韶

隨園詩爲袁簡齋賦

廣霞一別失飛騰塵上襟裾漸漸增

簡齋由庶常改官縣令

左掖看花

君記否大堤騎馬我何曾過江不愧真名士退院其如未老
僧領取十年卿相後幅巾野服始相應

送潘筠軒編修還越

昇平朝野總

君恩局外閒將出處論結社未應歸白傅種蔬早已賦黃門
一竿遠拂珊瑚樹八口同居薜荔村此去撫松深閉戶蒼髯

勝友老猶存

蛾眉班好近瀛臺珥筆多年却費才飛鵲官程三舍退放鵬
歸思一籠閒身從冰雪堆中出夢向鶯花課裏回莫歎神山
容易別故鄉處處是蓬萊

太平鼓詞

鼙鼓奏辟雍魚鼓喧街市羯鼓催花柳社鼓聚鄉里皋鼓百
堵興鼙鼓二軍死誰知衆音外乃有高麗紙團團月裁魄宛
轉環貫耳軒轅曾造不矜腹安知此燕姬坐煖房玉手纖無
比晴天急雨來大漠驚飈起填然晝長鳴統如宵未止方當
太平時

廟謨臻上理季冬大勞息豐稔從今始都城十萬戶戶足
薪米南徭北巷間改歲兒童喜堯民擊壤歌并入淵淵裏紀

事異夢華采風頽太史獨有羈旅人聞聲念桑梓

藏花歌

并序

人春讌集屢以藏花行酒白髮同年頽然一醉戲作
此詩前此風人未有味也

青旛夾道蒼龍起九十韶光從此始鳳城早有探春人不在
林間在杯底良辰會合老同年隔座分曹嚴壁壘如將金屋
貯娉婷未許銀燈照紅紫色空何礙妙明心消息原無漏洩
理舊樣翻新新樣奇勝固豪雄敗亦喜君不見轉頭桃李紛
作花典衣爛醉黃公家

夜飲滄酒歌

滄州城是麻姑城滄州酒是麻姑酒麻姑一去幾千年安得
麻姑捧纖手我今無事同犀首鯨吸魚噉宜此口丁字沽邊

見遠帆武家臺畔禁衰柳百年冉冉復堂堂昨日青韶今日
史達人已往畱今名七賢六逸真吾友一壺那復遇長房萬
卷徒勞採小酉是時晝短夜初長爛爛秋星大於斗願作淺
雲汗漫游恨不身爲漢川守君不見滄溟萬里騰怒濤祖龍
採藥煩盧敖安期羨門在何所樓船童女歸蓬蒿又不見杜
老重觀劍器舞樂極哀來情無語白髮紅粧相對愁公孫臨
穎皆黃土勸君勿惜朱顏酖羅襦微解香澤多瑤箏驟雨簇
燈彩金盆落月傾江波霜天漠漠角聲起醉不成歡奈曉何

上灘吟

香從逆風聞魚喜逆流上顧茲輕利船惟順能攸往平生江
海踪所歷多深廣今年赴虔州程遙道彌枉怪石敵奔湍厥
勢何雄長踳踳獅象形喧喧鼓鐘響峻或類關墉平亦同砌

櫟森如列戟子旦若施屏幌車專防風骨斧劈巨靈掌短體
縮侏儒長身立颺颺就中皇恐灘險隘更無兩落星散不收
砥柱差相仿誰使蛟龍居突兀成塏埽篙師知曲折安危在
微茫左枝右復梧前俯後還仰直教負而趨何異陸能蠶吾
心本慈航此境盈天壤行將旣濟占聊結未來想登岸可回
顧斯言實非迂待歸賀監湖空明蕩雙槩

二樹山人摘余土坡山房舊句爲緒見作臥遊圖今距
賦詩之日三十年矣韶齡難再先業就荒敝帶棄遺
了不可記山人於烟銷雨墜之餘爲僕完此一種公

案吁可異也感而賦此

詩云春山排闥來綽約如處
子不雨復不晴非黃亦非米

乞寫臥遊圖
收入冊書裏

春山排闥護春眠幼日題詩老尙傳莫問夷光歌舞地鳬芷

燕麥自年年

秋霜無賴漸盈頭梓里春遊是夢遊今日展圖人萬里蠻雲如帶古交州

義豹行 并序

德勝鎮山中一豹能爲近鄉禦虎居民德之歲時以大豕酬賽余聞其事作義豹詩

南山霧濃元豹變七日文成人共見此豹不與常豹同驅逐於菟垂大功蠻村雞犬聞鳴吠深夜不遭猛虎害居民感德比神麻歲歲春秋爭報賽少陵義鶻曾作歌義馬勒石長不磨唐人生識字忘大義不知此獸天良多吁嗟豹兮吾遜汝異政何時能渡虎

商

書

字譽意嶺縣諸生盤弟官定
番州吏目著畫圖山房詩鈔

隨園詩話人但知商賈意先生以詩名海內而不知其
弟名書字響意者亦詩人也作貴州吏目有消暑吟云
雨後壑全響日中崖半陰壞簷蛛網結嘉樹雀巢深永
日無公事閒居有道心生衣隨意着涼意滿幽襟又六
月無三伏一朝有四時蜂巢當午
開蛭壤趁涼歌真能寫黔中風景

自題剡溪秋泛圖

山人無俗尚雅志惟薜蘿況生山水鄉面面明修蛾昔年游
歷處剡水清於羅自來京國遠夢斷清江波潛魚樂深淵樓
鳥戀故柯濯纓豈不願迴棹情亦多涼秋吹白紵皓月舒清
歌誰將謝公屐訪我東山阿

折楊柳

昨歲與君別柔條踈地垂柳今比人老無復舊腰肢遠客仍
千里青春又一時流鶯無柰甚啼上最高枝

汪師韓

字抒懷號韓門又號上湖錢塘人振甲子雍正
癸丑進士官編修湖南學政著上湖紀歲詩編

起

上

國

杭州府志文苑傳乾隆改元師韓始入直數月乞假歸丁憂
居注記注之有協修從師韓韓始入直數月乞假歸丁憂
服闋尚書張照疏薦校勘經史旋督學湖南降詔入都
大學士公傅恒薦入館職迨落職後主保定蓮花池講席
書房少以文名四方中年以後一意窮經諸經皆有著
述於易尤邃而

賦詩為最工
桂元復上湖紀歲詩編序畧曰韓門自少能詩初習
書嘗賦龍書五十年韻請正臨川李穆堂先生歎異

攜其詩入八旗志書館中見者多不知其辭所自出
先生曰我尚有不韓門詩者何况君輩同里鄭侍講筠谷先

生其父行也見韓門詩贈以古風末云顏齡視奇特自
嗤還自賀常熱王次山侍御於詩多否少可獨傾倒韓

門更和鄭先生韻題其集有兼包竹垞能肯拾漁洋唾
之句嘉興馬墨麟副使錄其鳳尾硯太平鼓二歌入舊

雨集是時韓門年三十歲耳嗣是再丁艱一奉使銷級
下遷再入館閣旋落職起職頻仍韓門則讀書愈多學

愈進而前數先生者皆已沒韓門一意窮經不務詞章
之業行已日益謹畏踞京涼蓋即在意窮經不務詞章

矣乙亥冬還里中詩老若朱郡伯鹿田周徵君穆門
厲孝廉樊榭金副使江聲諸先生相繼徂謝惟杭太史

董浦為傳靈光董浦每曰詩之道熟易而澀難韓門詩
有澀味所以可傳聞者驚怪其語爭往索觀韓門輒逕

謝不輕

出也

朱文藻曰韓門先生余生也晚未獲一見自蓮花書院
歸里攜所刻著述曰春星堂詩集曰上湖紀歲詩編曰
文編曰詩學纂聞曰談書錄曰韓門綴學曰孝經約義
曰觀象居易傳箋凡八種刷印流傳因得雜誦一過輒
校正其訛字而於詩編亦間有商攷之處先生悉從改
易越數日齋中閤人持東報客至視其東則云任師韓
恭謁字小如萊豆既見則四拜而起曰謝讎校之德余
於是始獲見先生次日答拜劇談所學非輒近可及未
久而先生歸道山矣因錄先生
詩附記先生之謙光以示來學

朱西峻鳳尾硯歌

并序

昔竹垞朱先生遊嶺南購水巖石百餘集載硯銘多
至四十五首有鳳尾硯付昆田者銘曰衆鳥有託爾
安所棲鳳兮鳳兮硯今爲丁處士敬身所得池旁有
西峻小方印而銘則未鐫夏五糧艘至緘書附贈作
歌報之

小長蘆叟硯材百中有鳳尾貽笛漁銘詞礪落四十五鳳兮
品與凡禽殊世事彈指幾十年蟾蜍淚滴几上山八萬卷書
亦散落片璧光怪投湖壖都門感慨幾回別又登萬斛東吳
船想當七試挾秋卷挽強文陣新糊案冬烘耗發喟頻埃
風結束悽惶伴南浮嶺海東走齊竹轎簞船懷古遍聯坳巨
璞歷野裝諸侯賓客開清宴摩篇羈賦我亦然思筆不隨顏
城變昔者洪州謁璟公借山上人元璟廬山一章稱最工笛漁小稿有送上人
游廬山詩余遇上人于南昌時又將之廬山景曜流輝硯盈尺鑑定云白醜舫翁
文待詔景曜流輝硯後歸董文敏今爲借山所藏我時未識巖上中亦不能辨坑西
東鵬之鴝之縱悉數如談雅頌忘南風文董流韻誰繼者茲
遇屈指三春冬驚聞舊硯江鄉寄有文刻作西峻字筆趣掩
映青雲翹玉磨無聲日再試逋客錢唐丁翰之婆娑術藝作

者師相將一片玉質硯何似半卷青蘿衣

唐丁翰之居龍湖洞笠澤叢書丁隱

君歌云華陽道士南游歸手中半卷青蘿衣自言通客持贈我乃是錢唐丁翰之自余爲此詩敬身遂自號龍湖館主

登候潮門城樓

陽侯鼓怒羅剎奔水仙張蓋馳朝曦朱汜赤岸搖崩渝海色
正射候潮門候潮門鐵幢當日真奇勲大壘小壘幾易轍江
神拱手蛟龍尊吁嗟江神豈不仁秋來駭水愁吾人懸騰盡
失畎澮利決裂不顧蓬茅窵漫岸一瀉浦莫禦避者僅脫家
無存重煩長吏排戶循豈知噎洩由江神我聞江神任職臣
意滌蕪穢成聲聞君不見今辰登望好風日千帆葉葉開江
濱

聞從弟修之沒于廣州驚痛之餘泚筆書此紙盡而止
我叔昔遠竄我弟襍被隨比及輿櫬還家業同溺灰飢寒出

依人力疾扶廵羸我時送登船心竊爲憂危書至自百粵告
我疾得醫眠食甚相習賓主況相宜一去三年畱閒暇多歌
詩近更學四六佐幕徇俗爲今年聘督府書記兼師資束修
定羸餘封作八口資云何一年來書闕不我思我曾兩寄緘
亦不答一詞候爾到凶問大別從今辭弟性鈍如我一生蹟
通達豈謂時不利命復止于斯堂上白髮母室中伶仃妻一
女雖適人稚騃諸孤兒不知聞此音聚哭如何悲又不知沒
後靈柩可得歸時情日輕義恐難似安西先叔卒于安西無人作訃
書我始傳聞之其歿閏月初閏七月其詳靡由知古人薄厚利
祇願田間棲有田生田間無田死路岐

浮山玉兔寺詩碣并序

玉兔寺在山西平陽之浮山寺有張仲尹詩碣乃宋

仁宗天聖明道間慈雲寺僧靜萬集右軍字成之詩
乏警策而字特完好則以地僻故也方甥茹宰是邑
命工摹搨以寄報詩并索其邑之慶唐觀碑

右軍賢者工俗書書經割綴人爭儲興唐石經刻貞觀永徽
聖教續搆摹唐僧好事及大雅復有朱鑒集蘭若菴封蛛網
澀塵凝七百餘年未重打仙令胸中弔古才發潛貽遠緘磨
煤我愛文完不皴裂紙上分明筆三折哦詩忽復懷慶唐
云靈祠接慶唐勒銘紀聖由明皇頌揚金籙並無恙更煩拓寄玆瑁
裝八分子我尤竊喜衰廢獨耽徒隸技得隴望蜀母已奢絕
例書癡老舅氏華陰王宏撰所藏興唐寺石刻金剛經貞觀中集王右軍書有華州郭宗昌跋宗昌嘗撰
金石史見池北偶談三藏聖教序永徽間僧懷仁所集
鎮軍大將軍吳文墓銘開元間僧大雅所集萬歷末沒西安府城濠得之置儒學俗稱半截碑
慶唐觀在邑之龍角山
觀有唐碑二其一開元間明皇御製紀聖銘并書其一崔明

允撰金錄齋頌史
惟則書書皆八分

題夏承碑拓本

碑在城內紫山書院即舊漳川書院

漢碑在世歷可數

上聲

上溯孔林下曹全中間多由宋代出夏

承亦自元祐傳秦君愛古味所出沿訛信是中郎筆察書本
不命郭香諱名豈至疑楊厥一經扶植三改元何人令役埋
坵垣築之登登復奕奕貞珉無路鳴煩冤嘉靖重摹縱非古
猶勝偽造山及簠那不并將題額刊移字排行意何取我嘗
臨倣徒隸書顛崖荒隴搜瑤瑜奚況漳川與湔俗東京仿像
出形模看碑復用烏金揭張壁晨昏對齊閣却憶建寧當三
年碑自建寧三年所立其年中郎辟橋元出長河平旋復入弇州因是
爲推原骨氣精彩昔猶見又數百載迹盡遷太尉三碑一無
有豈獨漫滅文範阡崇塘或者石還在持愁拊擊成段塊昔

應無暇磨龕砂翻藉糊頰保殘碎他時城旦遇刻文急遣鐵
 灌聯瓜分真蹟片斷亦至寶詩成大笑書癡云明郡守秦民
 見趙明誠金石錄耳秦民悅扶立于唐昭取本重刻相
 距六十餘年舊有篆額漢北海淳于長夏君碑九黑字今
 篆額只淳于長夏永碑六白字舊碑十四行每行二十七字
 今本十三行每行三十字
 青州又漢縣有張令之分今新縣志誤以淳于長為漢人
 姓名謬妄如此延熹西嶽華山廟碑有書佐郭香察書蓋
 察者察視也歐陽叔弼誤以香察二字為人名隸釋有辨
 建和司隸校尉楊君頌云楊君厥字孟文蓋尊其人故不稱
 名而但稱字也水經注及歐趙兩錄皆誤稱楊厥碑唐文
 粹頤況樂府有築城登碑傳山鄭簾俱有偽造木建寧
 城而作蔡中郎郭有道碑傳山鄭簾俱有偽造
 三年中郎由橋司徒府山長河平入為郎中見後漢書
 魯公宋廣平碑在今沙河縣東北碑已斷沒正德十二年大
 末方思道為令出之土中銘二百斤鐵貫兩額之歸震川有

梁構亭自香河令調任樂城

龍灣續奏上龍岡路盡風沙入井疆宿學幾人兼幹局素交

爲吏總循良廐閒六服都鈴選

奉檄買馬

旗鼓三城大隊行

頻過西師

不有彥光來靜鎮得無毫髮擾農桑

梁彥光見隋書循吏

計程三日促獎難問訊連朝折簡看徐稚預期蕃榻下晏嬰

重念肸宗單謬教拙訥司都講喜有謳歌達耆槃事業黑頭

須早建吾衰尙及見驂鸞

呂君贈銅雀瓦硯歌

并序

魏三臺皆作于漢建安中臺有三而人但稱銅雀者

以其先成特書于魏志且殿西有園卽名銅雀三臺

又在其西魏武遺令已獨稱此矣魏以後臺經再造

一在後趙石虎居攝時一在北齊文宣受禪時至武

成乃以三臺宮爲大興聖寺逮後周靜帝時韋孝寬

破尉遲迴三臺並毀今銅雀之瓦猶有得自漳濱者
莫定其爲魏趙齊也余別有考文多不錄呂君名游
字樂天臨漳諸生嘗注易又好管子書授徒磁州王
午夏謁余于廣平因贈此硯

羽陽宮瓦紀千歲甘泉宮瓦題長生羸顛劉蹶劇驟驪瓦頭
銘字畱分明建安都許袁劉喪司空曹侯位丞相鄴京閣道
起三臺銅雀中央屹相向嶠瀍迄旆總帳懸伎樂百戲延康
年諸天人過自伏魄香銷組廢荒墓田精舍譙東迹並掃憤
憑臺郎來獻弔將軍降趙少府誅青雀化鸚亦雀抱臺更金
鳳石室空典聖改寺大蠅攻鱣鯢又見築葛屨冠甌翻貴如
璧琮魏國先生雅鑒古說易滄陽稱易祖權衡輕重管夷吾
心胸開拓陳同父論我硯材雀不渴辭班著骨波紋活章求

歐奪兩抱慙但日鈔書忘腕脫古來書厄秦與新五厄邇及
湘東焚此硯與書僅有存幾回濡筆傷斯文賀鑄故鄴詩序云韋孝寬破尉遲邈築京觀于葛屨山此事不見正史序稱鄴都記按邈所載有鄴都故事二卷鄴中記一卷故事不可得見世所傳鄴中記稱是晉陸翽撰者乃雜集羣書成之應是偽書其中亦無此條硯箋徐鉉得銅雀不鳴惟解渴管城何罪遽遭髡錫雀之渴乎李邕詩云銅雀不鳴惟解渴管城何罪遽遭髡蓋用此也按銅雀在宋已多偽作故韓魏公詩云頭方面凸築難別千百未有一二真韓魏公有答章望之求古瓦硯詩歐陽公有答劉金山遺古硯歌皆即銅雀硯也書五厄見法傳

遙輓林蓮山

博士橋過曲巷通從余家過李博士橋即君住處送君移宅幾春風往還尤

密豪華後生產全拋闊落中善本手拈寧估值好詩心賞不

辭窮蓋棺未必無遺行我自交情固始終時有議其短者故云

吳山金石兩像歌

并序

兩浙輟軒錄卷十八

汪師韓

樊榭山房有詠吳山麻曷葛刺佛及鐵四太尉二詩
余考麻曷葛刺譯言歡喜亦名馬哈吃刺佛見元史
泰定帝紀亦名摩訶葛刺佛見膽巴傳其像備諸醜
穢是以成宗伯岳吾后於萬寧寺見之以手帕蒙面
而過方技劉元所爲西番佛像多祕人罕得見者至
明初大善佛殿梁上塑此像嘉靖時毀之今寶成寺
所盤應是當時人間是佛號遂以稱之而實非也元
阿合馬置神座于二熟人皮上明史西番僧取荒塚
頂骨爲數珠髑髏爲法盃石像猶此意耳鐵四太尉
雖據凌雲翰疏証爲重鑄而未詳所始考宋顯仁后
當高宗出使時有小妾見四甲人執刀劍以衛后知
陰助及北還歸立四聖延祥觀於西湖上乾道臨安

志及西湖游覽志所載畧同四太尉當卽四聖民間
以其能禦災患祀之吳山未可知也樊榭先生沒於
壬申恨無從獻疑請正聊賦七言識之

南湖徵君性疎朗于古偏搜獐惡象遂令金石胥山岡鐵幢
白塔同奇賞土馬當年馳鉅鹿金介何人刀劍蠹香鏤珠綴
迓宣和民亦鎔金競祈福石巖遺刻尤怖人啗人剝取皮作
綢穿珠捧盃作吻吮喇嘛作佛事吹人骨以爲樂器那似祕戲通綢繆寶成
寺尙劍痕在延祥園經再三改徵君逝矣孰質疑姑妄言之
從懺悔

張映辰

字星指號藻川錢唐人雍正癸丑進士由翰林歷官兵部左侍郎左遷都察院左副都御史著露香

書屋集

杭州府志名臣傳映辰少年起家科第長于詞賦而
立身行己冲澹自得不激不隨後進皆仰其風采

雲礪齋詩話藻川工詞賦矢口而吟
集中捉騷行一篇尤得風人之旨

八月初九夜閣中作

離離紅燭盡三條畫角聲中偈夜譙
半世功名爭此日三年辛苦爲今宵
文章誰解真龍好壇坫虛將客氣驕
要識品題非易事不才何以慰弓招

駐馬亭

駐馬亭邊試解鞍遂城南畔暫盤桓
千林如洗遠山靜一鳥不飛秋水寒
斜日平原看短影西風黃葉上長安
青帘搖漾村酤近底事吟餘醉未殘

雨中過赤水鎮

長橋一帶宛垂虹赤水中分兩界通
雲似釜蒸堆大白花當秋放戰危紅
人迷古渡摧頽雨馬踏平岡蹀躞風
不識香山

有遺跡綠楊只在岸西東

夜坐

丁冬漏響入簾櫳驚起飛鳥繞樹風夜色似年難得曉燈花
如豆不成紅沈憂歲月千端集舊事雲煙一笑空飢鼠繞牀
揮不去睡鄉未許夢魂通

捉騾行

軍行裹載需馬馱大吏檄下徵官騾縣官捉人兼捉騾惟恐
滯滯遭譴訶吏人持符下鄉堡虎踞當道森閭羅行人豈知
徵調急纍纍負重來關河道旁忽遭捉騾者鞭之令下遑問
他盤踞貨物都棄置竟牽騾去無誰何囊金搜取意未厭但
飽吾欲還汝騾可憐獨客無齋糧騾去難行空自傷朔風吹
雪盈路旁依人簷下涕泗滂畱之七日不得去眼見溝壑相

填將方今

朝廷愛黎赤如捄焚溺拯飢荒轉輸供億一切出

內帑絲粟不以煩邊氓此邦官吏豈獨無聞見胡爲乎縱令
若屬爲民殃嗚呼東隣有騾不敢畜西隣納錢騾亦捉縣官
打鼓催騾足吏人告言騾難捉騾難捉錢已足安得年年歲
歲將騾捉幾家歡笑一路哭

喜四舍弟至榆林

長途襤被又衝寒憔悴風沙執手看三兩年中別殊易五千
里外見真難米鹽細問家常事梨棗重尋舊日歡漸覺池塘
春草綠且傾尊酒試同看

寧夏懷古

朔方雄鎮比嚴關峽口黃河日夜環廢殿尚存元昊宅春風

先到賀蘭山渠開利自饒千載豹變人誰見一斑古塔青銅
百八座盤空絕壁可容攀

河山再造繼神堯靈武收軍事已遙踏馬曾經清水砦彎弓
掇射雪山雕家聲淹雅推司隸國是紛紜憶勝朝一帶鳴沙
流自急受降城外雜邊籊

下灘行

峽束懸流灘逼仄層波回旋不可測中有巨石虎豹蹲大小
錯雜形率律舟人相戒且停橈百夫呼召集酋豪分酋登岸
張兩翼長年數輩爭持篙船頭橫木長丈餘大繩絡絕絞且
舒一繩左挽俾勢定一繩右牽來更徐更有一繩貫中央漸
從石罅穿悠揚左盤右盤同履砥十盪十決無迴惶自天而
降高數仞舟中一呼岸皆應掉尾沿緣忽倒行正以效逆乃

取順仰視白日流蒼冥俯窺水荇紛魚鱗坐船人不見船去
但聞聒耳江湖聲潮聲漸平灘已下乘船放溜直於瀉回頭
十里望丹青果然使船如使馬

寒齋

旅舍盤餐味不重寒蔬聊足禦三冬冰霜節候先儲此酸冷
情懷頗似儂劃粥筵前常作伴漉醅甕底亦堪容主人莫怪
清貧甚鼎食猶慙菜把供

夜坐

筠簟終夕負香衾萬籟蕭條玉漏沈月影半鉤簾外瘦燭花
三寸坐來深書如名酒求難得人比疎梅冷不禁誰念天涯
同調在祇餘殘柝伴微吟

董邦達

字季存號東山又號非開富陽人雍正癸丑進士累官禮部尚書諡文恪

彭元瑞行狀略曰董文恪公邦達雍正元年選拔貢生

朝

考第一成進士改庶吉士授編修時方修石渠寶笈祕

命入

內廷襄事累官禮部尚書卒諡文恪公性易直和婉奉

母孝養備至年五十如嬰兒平生澹榮利初官翰林時

僦屋一廛閉門集生徒講肄從之遊者後多爲文章名

宿中年積俸置數椽朝退則手一編時花洗石泊如也

敕所

作皆藏石渠

尊德會詩并序

今

天子二十有六年鴻朗垂光淳耀景鑠箕疇錫福河圖告祥

朝之元老番番黃髮實惟耆成人越厥林下田間耆

艾魁壘之士吟德蹈化扶杖觀仁用以佐

星雲之瑞而登

仁壽之域猗歟盛哉時則楓溪老友蔡君秋澄齒臻七十

有八名德宿望樹矩植規教子型家東南以爲楷式

幅巾藜杖逍遙乎白牛之濱於是布九老之芳樽

九老

者二蘇戴賓年八十八緒三程緒祖八十七準菴蔣

元八十二虎仲顧心培八十一秋澄蔡維能七十八

竹君計王猷七十三宸園謝永輝六十八卽三友名

第五錢家暨六十七六園曹廷棟六十三

之文圖柔荑掃徑綿羽嬰林壺觴載行談諧間作三

吳兩浙之彥欽其塾角畫以屏風長歌短引積爲篇

帙令子季實修掇實來徵文余與君契闊譚讌悠悠

我思武水蒼茫片帆圓柳漁莊蟹舍昔嘗停機欸乃

於其間羨爲樂國今顧茲壽俊問里遐縉以詠太平

而沐膏澤南陽之鞠飲之得仙西晉之蘋食之難老

是用心焉慕之吟嘯不足更系以詩

和風扇芳開麻氣陶萬類詠歌際

昇平壽康偕樂志我客旣怡愉爾聲亦陳饋相看紫芝翁各
埒青雲器襲龍或縣車黃綺非遊世叩鉢爭箴肩拖屐共聯
臂澹泊脆觥花飛揚斛角觶都忘朝市心別寄耕漁意
聖人奏雲門元氣爲鼓吹康強而逢吉綽楔表
國瑞匪徒風俗淳亦見德福備請廣九老吟重訂耆英次余
也覺衰遲問年猶未至翠竹夢江村蓴羹下鹽豉

題白雲泉圖

白雲一掬陽山隅涓涓滴下青泥珠大瓢挹彼來注此活火
可試風前爐泉下架屋山人居林木窈窕羅蕭疎泉甘味冽
漱齒頰能令燥吻生津腴真如灌頂飲醍醐又似九醞仙家
醕人間點滴不到口而此日飲無時無顧我年來病未蘇那
得到此嘗須臾一杯欲乞泊相如消渴已捐煩疴除山中煮

泉良非迂惜哉身不遊姑胥東吳佳處夢與俱展卷爲寫雲
泉圖雲泉之泉誰有諸有客自是山澤臞濯腸洗胃神清虎
得非飲者其仙歟

張映斗

字雪子烏程人雍正癸丑進士

齊召南秋水齋詩序畧曰雪子爲人才高學贍德器渾
然其爲詩也出入漢魏六朝唐宋不名一然而各有以
見其

長

梧門詩話張雪子先生烏程人入歲能詩查查浦湯西
崖極稱之雍正癸丑入詞館詩名藉甚乾隆丁卯典蜀
試歸卒於獲鹿驛人多惜之著秋水齋集十五卷五言
如答友云醇酒有清德寒花無媚骨七言如沂州道中
云重沽白水如鄉味高揖青山是故人海寧和公園云
一葉浮波魚有勝九臯香露鶴生係皆有意味可玩又
嘗見其爲夢午唐侍郎麟書弱二詩云老肉藤陰護自
沙帆籬缺處道人東風捲地春無迹一勾野泉浮落
花女嬌黃土背蘿深雲樹全歸祇樹林小坐詩成攜不
去但憑風竹寫聲音今已編入集中矣午塘先生乙丑
分校所取士

朱文藻曰謹案

欽定

四庫全書別集存目載張映斗撰秋水齋凡十四集皆其子守約守愚所編有湯右曾序作於康熙乙未蓋其早年即爲右曾所賞識也

偕諸子聯騎遊北固山

抱城山徑仄木末隱樓臺絕壁浮巒合神京雄鎮開海門紅日近江嶺白雲迴我亦南方客猶能騎馬來
把酒醉江水千秋落照中間無險要天下有英雄鐵鎖橫
波斷金戈捲地空南朝形勝悞惆悵蔽艤幢

揚州

濕雲將夢草將愁載得茶煙傍酒樓明月不來春又去一鞭
風雨過揚州

沈

澗

字維涓號泊村又號法華山人烏程籍歸安人
雍正癸丑進士官瑞州知府著雙清草堂詩

隨園詩話湖州進士沈澗詩近皮
陸人多輕之然典雅處不可磨

兩折齋詩錄

卷十八

張映斗沈澗

約西雜記沈泊村以騷壇耆宿自期許官江右時嘗輯
西江風雅金樅門學使稱之採錄雖未該備而于乾隆
初年西江名作網羅殆盡去取頗有別裁

夜泛

水國氣易陰薄暮風濤廣孤棹暗中撥但聞菰葉響迴潭沿
岸深曲渚隨潮長平生足幽思中流寄獨往星芒森欲落崑
徑靜堪想遠懷棲隱徒高齋空偃仰燒葉照讀書伴蛩軋機
紡臨風不可招扣舷空惘恍

鷺脰湖

幅幅蒲帆獵獵開結罾未罷櫂郎催東風吹出桃花雨一寸
銀魚上水來

田家雜詠

照田蠶

東鄰結長竿西鄰縛禿帚臘日農家拜且祈願蠶滿簇禾連
畝兒童腰鼓鼓聲謹列炬軒騰火作團村村煙燄衝天直照
徹部屋無飢寒春風一夕升早旭共祝今年盛絲穀
皇哉經畫徧耕桑高坐明堂調玉燭

賽田社

春雨秧苗鉞秋雨禾垂耳社公占得陰晴權春秋禱賽割羊
豕里正朝來徧掠錢錦棚高矗神祠前傀儡裝成演歌舞爭
邀親串開華筵詎知閨婦賣釵釧祗博當場一酣醺春田龜
坼秋稻空社公神靈君不見

舉田債

布穀屋簷喚早耕農夫驚起多歎聲瓶儲無粟誰負耒征稅
煎迫難逃生商賈握錢列市肆舉債償息什加四且救眼前

貪入手半供縣官半胥吏耕場磷磷稻芒垂共道年豐慰宿期那知穫罷未入屋已被商家催納速

輸官倉

官倉周圍編作號按戶配厥輸正耗縣帖昨日火急催納足官倉送運漕農家惜米計升滿倉吏踐踏成糞土但祈收貯不作難吞聲敢訴三時苦漕艘銜尾供京儲達官飽食府中居莫言粗糲難充筯都是農民膏血餘

償租限

公家催徵有程期立冬之後雪寒時私家收租亦開限健僕如虎恣鞭笞初限全完寬升斗二限繼納免督咎三限乍過健僕來全家摧蕩驚雞狗有女卷髮兒扶牀牽出鬻賣不得藏官糧尙寬私糧酷那能天眼燭茅屋

稍桑葉

昂價程貨爲稍

吳儂育蠶惟論筐一眠二眠仰食桑稍得豪家葉百箇

吳地葉不

論勸惟稱幾箇

朝夕采飼免徬徨眼看蠕蠕競上簇繭少同功聲漢

漢婦姑抽縷費輓轡一堆霜雪照羅縠貨與舶商給直低償

他稍葉尙不足君不見臨時購葉走趁趁有人養却空

去聲頭

蠶

俗以空手育蠶爲空頭蠶

舟泊漫興

不覺離鄉遠天涯寄病身殘更寒聽雨孤燭夜依人節候凋
華髮風霜憶老親故鄉歸未卜淚灑越江濱

別兄弟作

秋燕還海濱徘徊舊幕巢蠶馬南轅馳北風一長號何況骨
肉親生長同根條恩分相依倚離別在今朝上念兩高堂白

髮垂飄蕭所嗟季行役顧望母乃勞下撫諸幼穉參差駢鬢
鬢啼哭率我衣飢寒不自聊飢饉出門去此心長鬱陶門戶
誰當持井曰誰爲操絺綌禦嚴寒安得辭謹吹燭龍不騰照
灑淚隨風颺

清河

亂帆如馬截河走淮流盪激濤聲吼濁者趨海勢不停清者
奪隘扼其口有如鏖戰皋蘭山嫖姚旗鼓絕幕還又如昆陽
卒奔潰虎豹股栗摧容顏藉淮刷河宣嘉績但恐淮弱非河
敵縱得洪湖襄臂指馮夷騁怒多陵轢清河小邑當要衝枕
席傾仄狂波舂那堪民力東南盡年年堤埽難爲功

崔鎮

坐覺鄉音改俄看遠霧昏風沙驚面目墟市亂雞豚樹角樵

人出雞頭雁侶繁當年文信國會此滯羈魂

過舫翁叔村居

碧樹青山舊草堂人烟向夕映斜陽病餘藥裏爲生事花到

禪林有別香

去年養病僧寺

歉歲關懷惟井稅平疇寄目是耕桑誰

知憔悴江潭客珥筆曾經侍

玉皇

寄懷杭堇浦

襤被歸來書一肩挂冠神武記當年真形圖嶽懷方朔西射

詩詩夢惠連行藥春郊藉屐盛賭棋夜墅燭花偏若教官觀

充提舉便是前身大滌仙

南宋達官身退多提舉洞霄宮

步屨經過屢結趺同牀各夢一驚呼

記癸亥春事

蓬窗聽雨都元

敬酒郡移官張藐姑琴作家資空送別鶴分俸料耐償逋耦

耕他日期相訪穩臥瓜牛號野夫

舍弟往撫州疊前韻

癸亥冬余守是郡

陵陽老守媿無能曾倚艤艫斲雪冰犀帶助營新石柱

文昌橋余

督修

竣工香楠畱取舊書燈

香楠故址重葺興舊書院

堆身案牘勞如蠹送老

齏鹽冷似僧爾去試尋遺跡在峴臺山翠尚淒愴

歸里遣興

問路廬居近趨程雪港深人猶牽旅夢鳥已帶鄉音素髮甘凋落青陽漸見尋鄰家依舊在懷惻客還心

題檜門西江詩後

人天法眼東南遍記向章門宿旅航別舟次五老鬚眉仍湧現十年燈火竟荒涼江濤激日涵秋影霜信驚寒斷雁行手捧一編欹夜枕豪吟那覺漏聲長

童

基字初之昌化人雍正元年舉孝廉方正官温州府學訓導

般若臺

一磴捫蘿上高臺翠麓偏縈紆收浩劫談笑坐諸天嵐氣籠朝樹浮圖隱暮烟空餘行樂處古甃墮松巔

俞鴻赤

字位南號華若海寧人兆岳子雍正癸卯舉人著六書通

題旋吉弟詩稿

不忍焚遺稿天終忌爾才那堪揮淚讀知否馭風回羣落心
如見蒼茫氣未摧青箱今已矣空負脊令哀

戴永樸

字素岑號補齋歸安人雍正癸卯舉人學化知縣

戴瑋曰先四叔祖公車在京嘗與名流酬倡後宰閩之長樂多惠政至今尸祝調寧化遂歿後人散處楚閩遺詩散失今得聯句存其名幸矣

寒食前二日集飲舊雨齋效昌黎會合聯句並用其韻

微微春雨霏蔚蔚春烟重戴永模補齋嘯侶共追歡團詞輒鼓勇

孫人龍約亭香濃酒面浮吟苦詩肩聳張映斗蘇潭綿邈思風飛滂沛

言泉湧方壺祝喬齡逼耳聆奇音愜心祛宿壅悅之繪一齋遠懷當世

憂高接古人補齋紅芳已滿林綠麥未盈壠約亭願得翻盆甘

無虞失筋恐蘇潭原田看每每髮鬢慰種種方壺老沈從事賢閒

愛僕射元齋半世窺皇墳平生穿魯塚補齋含毫時孤興得意

忽驚寵約亭神工運鑪錘意匠合樂拱蘇潭談笑相與諧襟抱各

無恟方壺壺觴憶舊持筆硯誇新奉一齋萬里海濱濛十里樛櫨

牕補齋昆池數壯遊祕館慚虛擁約亭頗同北郭濫謬學西家捧

滌蘇潭穎奇夜觀象抱冷秋鳴菴方壺手憐塞外龜足苦江邊燠一齋

出處勢各殊朋知久猶羣補齋徒嫌長卿慢誰識馬遷燭約亭冥

搜騁雄快傳觀遞歡悚蘇潭洗滌雲霞鮮芟夷蕭艾茸方壺鏗如

真金石爛若集球珙一後出喜披沙先強喜得隴
補險逕漸

盤紆驚瀾猶洶溶約仙臚洞癥結天械脫桎羣
蘇手騁蹀躞

步直踞崢嶸冢方羣公展翼鵬獨我抽絲蛹
一謹吹忽爾狂

嗚噤能無踴補燭跋頻徹盤衣寒乍思
約燭漫倒尊

浮傾斗甬蘇潭宵深可以還城闕鼓聲洶
方

屠嘉正字時若號何齋秀水人桐鄉籍雍正甲辰進士官至貴州按察使著何齋文集別集

秋日舟行卽事

蒲帆高挂洞庭秋漢水南來地欲浮
白浪明邊鷗沒影青天盡處雁迴頭
鄂君有恨埋湘草賈傅何緣弔楚流
月滿平川霜滿野鄉心迸入夢悠悠

李昌泉字復璣一字海若雍正甲辰武舉人著雙桐齋集

袁鈞日李海若嘗入都飯逆旅中有兩李廉方分韻意輕之不爲起海若問所限韻立成二詩兩李廉大驚揖

兩浙輟軒錄

卷十八

屠嘉正李昌泉

三

問姓名不答上馬馳去少時爲萬經所知晚年以詩質于全謝山謂其才多學少海若深歎服以爲知言

贈董曰翁

冰雪聰明松柏姿霜華未拂鬢邊絲不辭花月千杯酒常共
漁樵一局棋興至臨池閒染翰晚來搔首便吟詩刀圭濟世
功尤偉種得庭前雙桂枝

錢曰布

字載錫諸暨人
雍正丙午舉人

封氏園古松用杜題李尊師松樹障子韻

封氏園中有古松今朝迂道來相訪霜侵雪壓不計年好事
應須入圖障駢枝接葉深蒼冥歲無冬夏長青青扶疎似偃
翠羽蓋屈曲或肖蒼龍形老幹橫斜態竒古捎雲障日煙霞
聚自少脂流斷節香亦知心抱寒天苦慈仁老樹與此同相
看疑是徂徠翁斧斤翦伐不知處清陰無復來涼風

戴夢奎

本名生字維直後改今名字占文蘭溪人雍正

戴曦行狀略曰維直公初署永春與利除弊一洗因循之習延師興義學士風大振次題建寧以邑多猾吏取共尤黠者駭之上官以公才識練達特調閩縣兼剖鄰邑積案薦授主事不三月繼母卒哀毀骨立旋歿于家

夏日

炎蒸天氣日偏長
風自南來試小涼
竹裏敲詩添雅韻
荷間把盞吸清香
雲深處士七松宅
烟鎖先生五柳莊
一片冰心玉壺內
翛然興託庾公牀

胡作謀

字嘉士號芟亭天台人作肅弟

陳焯曰芟亭有書名

石梁觀瀑用杜少陵百丈潭韻

地軸誰翕張
陰潛歷晴晦
靈怪之所營
雷霆走其內
台嶺試攀躋
超然落蒼靄
削成峭壁奇
迸出飛流大
明河瀉天半石

雨浙輜軒錄

卷十八

錢曰布戴夢奎胡作謀

三

梁竦相對佇立猶愕眙仰視益湛澗縣逾匹練長散作百非
碎流霞破金碧影耀赤城外神變已揮霍空濛建雲旆下有
萬丈溪六月激寒瀨昔傳古應真聚此五百輩將毋諸天中
亦推此景最聲聞都可蠲喧寂雨無礙我來近仙都冥搜與
神會

胡偉然

字益新蕭山人著永思集

隨園詩話蕭山布衣胡偉然釣臺詩云在昔披裘客浮
名著意逃江流曰趨下益見釣臺高予過釣臺見石刻
林立獨愛此一絕句

過仙霞嶺

鳥道環青嶂仙居擁白雲寒暄重嶺隔聞越一關分殘雪過
林積哀猿蒲菴聞棄繻曾有志到此愧終軍

陳章

字授衣錢唐人
有錢唐懷古詩

錢塘懷古

藏鴉門外柳藏鴉錦繡連城白鼻騮寂寞招賢寺裏過來尋
一樹紫陽花

明湖不見野人舟孤鶴翻飛去復留三百梅花零落盡只留
雲木叫鉤聯

博雅張華善品名飛龍相逐鳳凰鳴只言已盡東南寶不料
奇才又褚生

沈子豐

字羽侯海寧人國子
生廣東提學令式子

夏日閒興

愛此夏日長有書不厭讀如遊武夷山一曲復一曲奧邃豁
奇觀幽絕謝塵俗陶然臥北窗風颭蕉影綠揮塵見古人予
心在空谷

登濟南四照樓和顧丹宸學士池畔石刻韻

樓上窗扉面面開南山積翠入樓來碧紗籠處詩真妙始信

先生天下才

李

秀

字聲遠鄆縣諸生

袁鈞曰李秀為李開弟

雨中讀杜茶村集

柳色暗高樓遺文讀未休山川司馬泪風雨少陵愁六代空

芳草孤魂隔上游白門沈醉後猶憶看吳鉤

金

璧

字晴村號銅鶴山人山陰人國子生著銅鶴詩選

本

沈水壺傳略曰金晴村祖廷韶前明進士迨

不遇而歸都統道福京師性峻物公卿貴人皆搖手相避其嫚罵道福色優容之及赴

內召握手雪涕相戒然終不改客維揚病困歸死于家詩情踴躍工危偏清絕之句如哀猿老鶴悽婉中人商盤以

山人曾在姑孰青山下得司馬相如玉印一方自賦古風其詩不傳所見止江上懷古詩三首此乃才士身後之殘羽

白下重逢孔東塘先生

共別金臺浣舊塵相逢不覺秣陵春浪淘十四年前事燈聚
三千里外人余讀書成均時先生曾為博士扇憶桃花情不盡先生有桃花官
如水部句多新白頭詩律惟應細風雅江南得再親

送李魚君北上應試

前生記得是朝雲夢裏香名喚醒君參取三生公案在十圍
腰綠稱羅裙魚君夢女子云君身即妾身問卿為誰

綠鬟低唱曉風前廿載青衫少婦憐一曲琵琶何處有江州
月白淚潸然李生屢赴北闕惟校書王綠雲心折其才乙酉下第猶為太息泣數行下今且杳然莫可踪跡

張嘉論

字際雲號綠筠海寧人官江寧知縣著玉鑑堂詩鈔

甲寅五月奉調吳縣畱題常熟署壁

尚湖清淺虞山秀吾谷鮮明覆金奇畫稿一齊收拾去不廉

從此更難辭

范廷培

字問之鄞人寧波府學諸生席子

一日觀傳奇題辭

休笑當時扣角歌利名難遣此愁魔歡場冷夢千年後豪竹
哀絲一口何風急易沉燕市筑天高誰返魯陽戈白頭釣叟

秋江上聞指飛鷗下碧波

吳國梁

字駕滄號書山錢塘副貢生著書山詩鈔

于忠肅公墓

行人到此齊墮淚廟前屹立豐碑字古木森森蔽墓門英風

颯爽猶生氣當年北狩誤謀臣賴公隻手扶艱屯援今証古
具膽識旋天轉地開經綸社稷中興侵地復心事光明萬古
燭未聞裂土報殊勲旋見奪門遭慘戮奸權同盡骨全灰旌
節猶看古殿開鄂王墳畔靈旗卷疑有忠魂痛哭回

鑑湖竹枝詞

朱樓面面映波斜遊女明粧傍水涯多少畫船香送影大家
爭看鏡中花

越羅衫子趁身裁鴉吉迴盤雲作堆兩兩三三攜伴去柳姑
廟裏賽神來

沈緒延

字湘聞
海寧人

九日曲江道中

極天秋色滿關河客裏登高強嘯歌菊釀猶攜鄉味美萸囊

難辟瘴煙多雨含落日穿青嶂鳥掠歸雲亂碧波故國迢迢
行萬里望迴庾嶺怨差我

倪

文字又迂海寧諸生

村居

一灣溪水抱村居剝啄稀聞過客跡盡日題詩兒洗硯有時
買醉婦烹魚冷看山色夕陽古瘦到梅花明月虛差喜時平
容我嬾不妨生計付樵漁

楊式金

字亞夫號蔗堂海寧人杭州府學諸生嗣震次子式玉弟著慕思廬稿

過漢川訪伍明府留飲

五載循良考三遷本分官新詩湖海重名宰弟兄難令兄時

憐我經年別逢君此夕歡他鄉一尊酒話舊又憑闌

高

謫字宗山號南村新城人雍正癸卯舉人官長子知縣著瓶笙集

陸介眉曰南村爲令

有政聲詩文皆典核

顧一鶴曰丙辰春與俞雲莊同訪

高氏後人出瓶簪遺集俾錄之

南村

小隱團瓢樂太平
葛巾蕉笠繞溪行
山看峭蒨青蔥色
鳥聽鉤輈格磔聲
脩竹映花兼映水
好風催雨又催晴
此間着箇王摩詰
華子圖頭卧月明

啖苦櫛實

蒼翠林深撥短篷
寒山落實仰秋風
杯盤暫寘齏鹽外
兒女勤收橡栗中
有用材堪驚櫛社
無多味肯賺狙公
却憐苦口成佳契
品與回甘諫果同

馬翼贊

字叔靜號寒將海寧人雍正癸卯進士官觀城知縣著寶頤堂詩鈔

同祝時可升菴至嘉禾書所見

東坡前集卷之十一
三
欹側風帆落照前平蕪百里綠娟娟飛鴉沒處烟藏樹燕子
來時水拍天芳草自生游女路桃花曾誤打魚船眼前景物
關何事偏有心情記遶年

遊龍山

直從山麓裹山椒得氣松杉總不凋幾曲盤烟藏鳥道一支
渡水轉龍腰葱葱翠幔千家市宛宛紅欄十里橋遠勢蒼茫
收不得東南天壓海門潮

煮藥詩

上策無如火攻井華水暖氣濛濛枯桑色變爐灰白落葉
聲添炭力紅半夜停燈愁老母一時增龜駭兒童如何只似
還丹樣起病難於九轉功

枹櫛煨殘及屢屢琴材兼恐作薪炊甘心肯被成方誤苦口

真從久病知牀下牛鳴還自笑杯中蛇影莫深疑養生未必
非奇訣豈在安眠健飯時

林敷紫

字上左號暮山永嘉
拔貢生官龍泉教諭

春興

十里晴煙散薜蘿輕寒輕暖試春和柳眉杏臉桃花淚各有
春愁孰最多

洪承澤

字心淑號七峯臨海
拔貢生官浦江教諭

東湖早秋次韻

放艇湖心館凌虛一道斜垂雲山戴笠倒影水浮家青簇菰
蔣葉黃分藻荇花誰招越溪女清唱引鳴葭

鮑志周

字景濂號靜庵餘杭拔
貢生官開封府同知

顧一麟曰鮑志周由拔貢歷知陝西之淳化縣河南之
濬縣祥符縣升開封府朱仙鎮同知乾隆壬戌夏河衝

兩浙輶軒錄

卷十八

洪承澤洪永澤鮑志周

三

黑塔口志周馳往搶護民不呼而集
堤得保全民戴其德呼鮑公堤卒官

宿遷除夕

扁舟江北渺愁予浪迹經年又歲除
野岸桃符收店後鄰船爆竹賽神餘
寒深倍怯征裘薄客久頻羞旅橐虛
却憶故園當此夕椒花盤獻頌三如

孫人龍

字端人號約亭又號頤齋烏程籍歸安人雍正庚戌進士由翰林歷官左春坊左中允著約亭詩稿

戴璐曰官允視學滇南兩任晚年甲戌分校得紀大宗伯酌假歸掌教藍山越人德之許其子元福入籍童少司空鳳三亦高第也詩稿于元福處見五大冊尙未刪定今攜往山西僅抄數首入詩摭中宮允創興興會館于半截街未及落成乞假回鄉人詩云轉爲粉榆簪未了草堂花徑幾時新每科譙公車于爾然亭不醉無歸先君膏樂道之

題武水從孫渡海圖

入處寰海間渺然如一粟既復賦倦遊迴首空局促所幸拙

帆歸東來鑑湖曲咫尺蓬萊山瀛洲近可囑學海浩無涯朝
宗紬前圖忽乃覲茲圖曠懷多所觸君看此襟期那得容塵
俗

趙錫禮

字叔叙
蕭谿人
雍正庚戌進士
歷官淮徐海道

沈德潛墓誌畧曰初蒞宜興舊有聖王廟傳為元末張
士誠能移人禍福奸巫往往假作神語索祭禳民至破
家弗悟公投像于河焚其廟淫祠遂絕任武進燥港河
通利河收納海潮以資灌溉為積淤所塞歷請開浚沿
河數十里並治樂利其他如辨冤獄
究盜踪振飢民恤商人所紀不一

登蘭陰山

石骨峻嶒一徑穿蘭陰秀拔倚遙天江流燕尾分還合山掃
蛾眉斷復連雨過帆檣開水市風迴林落散炊煙夕陽歸路
吟筇緩古寺鐘聲何處邊

趙

鎮

字雙林號淨名錢塘人雍正壬子
舉人官荆溪知縣改補東陽教諭

碧溪詩話往歲庚寅辛卯間余識淨名先生于汪氏振綺堂其時吳丈西林亦假館先生來輒與丈談禪講詩娓娓不倦燈檠已上猶持淡芭蕉爐中覓火余與天潛相視竊笑

南屏得米芾棗臺石刻

峯頭蒼玉削來平盡日搜探策杖行北宋詞人畱楷法南屏地主紹家聲焦桐合遇知音賞石丈應無有力爭從此湖山添勝槩裁詩時復洽羣英

李肇開

字雨蒼號震軒海寧人雍正癸丑進士由戶部主事改官孝義知縣

初夏寓樓遣興

何須擇木寄高枝屬有天緣儘自隨粉壁落殘詩恰補紙窗罅在鳥頻窺飯餘隱几拈教懶客到迎門幸恕遲彷彿小園成日涉偶畱鴻跡有題辭

侯嘉縉

字元經號夷門臨海拔貢生官上元縣丞著魚山存木人倚樓詩集車船集

袁枚曰夷門在江寧時一日大醉登報恩寺殿徧摩古
佛羅漢頂各贈詩數十百言書其上箕坐大啖暴風雨
電光繞鬚眉益喜奮筆不休取照旁石曰戴頭上折旋
舞如風衆僧疑狂病不敢近既去觀其字奇句奧不能
讀也舉其日重百餘

片舞時如有神助

黃潤川曰夷門雖下吏才名傾一時日遊白下山水與

諸名士縱酒賦詩高才生之執義就正者填門而與秦

礪泉學士尤稱神契方其歿也礪泉文戰春闈中忽夢

夷門至執手如平生寤則知其已死遂於席舍作四詩

哭之是年礪泉大魁天

下亦異事詩具秦集

沐雲詩話秦劍泉云吾嘗讀侯夷門詩石斧砍寒冰雲

裂無紋理真奇峭

御製源松寺詩云一水淡于畫空山或

有人又覺其深精綿邈幽致動人

詞科餘話甘泉馬榮祖詞科既罷丁巳已未連不得

于春官山陰胡天游賦長古二篇送之次韻者長洲沈

德潛嘉定張鵬翔天台齊名

南臨海侯元經皆擅勝場

陳焯曰夷門才思敏捷頃刻千言楊泉里先生評浙中

才夷門第一沈隆次之嘗再舉鴻博學使者江右鈔公

奇其文以爲樊紹述劉復恩後一人中丞某以其書法

潦草置之由拔貢生考職得縣丞署江南上元簿丁憂

服闋補金山丞調署江寧巡捕上官重其才不甚責以
吏事鎮江守黃某招至署閱卷一夕暴卒平日所著惟
魚山存本已梓行其人倚樓詩集車船集並散佚
戴殿海曰夷門天才亮特詩古文奇崛與術不可羈勒
與齊次風侍郎周蘭坡學士投分最密小仕邑丞鬱鬱
不得志僅及中年而卒
戴璐曰阮吾山司寇嘗言侯元經解餉至戶部庫吏指
批不給時梁文莊爲侍郎閱稿見其名曰夷門也顧同
官謂某尙書祭文可令伊作卽傳至堂右股扎不移唇
成駢體極莊嚴某司官又請作司員祭文復成四言韻
文此何足盡夷門之才而庫吏已袖批肅候
次日卽行載入茶餘客話余藤陰襍記採之

天台山房卽景

一峯秀春姿日夕吐烟霧長溪繞其前倒影峯頭樹我愛山
水佳且向此中住二月天風寒空濛山欲雨嚶嚶雙黃鳥飛
入烟深處無數打魚船沿溪下東去

同張石帆登巾子峯

高樹涼生岸幘遊一菴側出倚峯頭蔓蘿徑裏人初到花雨
壇前翠欲流雙塔影搖沙島日三津潮落海門秋閒從竹塢
尋僧話掃塵炊烟看晚收

寄汪若木

星霜漂轉未成翁紅豆歌聲夜雨中秋水送人漁艇便野雲
西客酒杯空傳來好事偏多難絕妙新詩竟坐窮惟有貧交
相慰藉天南地北兩情同

林元炯

字謙光瑞安拔貢生官沅陵
縣丞著愛日樓對松哦詩

題王氏山房

落花滿地已成茵好趁春晴訪隱淪卧柳垂溪難繫馬小橋
獨木只通人換鵝家習黃庭字立雪門延絳帳賓書屋枕山
仍帶水境幽飛不到紅塵

李

熙

字坦齋樂清歲貢生官太平訓導

秋夜飲王竹隱菊圃

碧天如水暮雲收
跨鶴閒從竹徑遊
酒不中山堪酩酊
人非晉代亦風流
花香入座催新句
月色橫空點素秋
寂寞東籬千載後
寒英此夜更舒眸

程

遠

字鵬飛號梅村餘杭諸生

秋蝶

不知身是夢
那悟夢中身
霜葉雖如錦
秋風不是春
翅將銷素粉
鬚欲化輕塵
笑爾繁華日
常飛桃李津

宋

禹

字武葵號蜃菴烏程貢生著湖山漫江楚遊粵遊滄洲編紵等集

夜坐憶筠菴太史書樓

卜築離塵境
清光晚更幽
遙知半庭月
先挂萬峯頭
鶴夢警

高樹漁歌來遠洲誰家夜橫笛一併入書樓

沈元相

字素庵號山宰歸安諸生

吳興竹枝詞

家住含山一水鄉
邇毫束縛最精良
贈郎先試凌雲手
畱待雙眉鬪畫長

薛家巧製古無倫
七出菱花樣子新
曉起粧臺開寶匣
問郎誰似鏡中人

錢銘恭

字夢山一字知一鄞人

寄懷

漠漠江雲暮
荒荒皮角寒
十年爲客易一夢到家難
戢翼懷深樹
潛鱗畏急湍
素琴多苦調
不敢夜來彈

翁年方

字唯愚餘姚諸生

過李氏別業

十里垂楊覆野塘
城西門外午橋莊
人家夜雨連茅屋
江上春風被艸堂
翠竹成陰清繞座
輕荷出水暗浮香
呼舟欲向南村去
一曲滄浪聽渺茫

蔡元鎔

字陶山黃巖拔貢生

咸學標曰陶山意度清曠工詩畫

聖祖南巡嘗獻賦蒙

賜大綬繼以拔貢生入太

學留京師數年卒

嵐菴偶詠

巖穴幽棲歲月賒
更於何處問仙家
機關忘盡遊麋鹿
愛惡緣空任鵲鴉
旋起旋消千嶺霧
自開自謝四時花
經年徑少人來往
樵子容過一乞茶

陳應辰

字仲籍號恥齋太平諸生著仰山草堂詩文集

咸學標曰恥齋居貧力學撰勝代品談十六卷評有明

一代人物又撰存逸錄十卷采自宋元述

本朝邑先輩詩因詩以存人皆可傳之書固於諸生人無知者

秋登半江樓

巾山山半半江樓名勝居然冠一州龍勢都從江北轉鯨波
直接海東浮層樓烟起居人密極浦風生遠客愁到此重吟
松鶴句蕭蕭木葉下清秋

俞良模

字行方號楷存海寧人官寧遠知縣著六政堂詩

朱文藻曰俞良模為吏部侍郎兆岳長子官寧遠知縣以子調元貴贈汾州知府吾友俞潛山思謙即公之孫

夜窗對月

光從楚尾照吳頭一片清輝萬境幽寂獨倚廊拳獨鶴丁東
簾幕響雙鉤花開天上伊誰折香到人間正及秋幸得邀同
消永夜雞人漫唱曉來籌

張

寅

原名永錫字紫望號復初又號石樓錢塘人

桂堂羅漢松

桂堂花木交扶疎水石明淨軒窗虛中有一本松夭矯錫名
羅漢歸真如貝多曼陀爲匹亞黃鶴思巢不敢下戰風餐雪
形神完得非五百仙人化主人愛禪兼愛松往往樹底雄談
鋒龍堂鹿苑時相逢樹亦諦聽含歡容吟侶摩挲疊高唱每
以清辭作供養何年植此居士龕疇能繪爾尊者相幹擬筋
骨恣盤拏葉侔鬚髮紛鬚髻張操馬遠畫不得吾欲喚起盧
楞迦

鄒

尙

字潤熊號古岳餘姚歲貢生著雲根樓詩

姚江詩存古岳刻意爲詩希跡郊島上逼昌黎方文轉
題詞問鄉關于虞嶺山接四明嶺文辨于鄒陽樓高百
尺擊唾壺而書缺彈碁局以不平桓伊則輒嘆奈何衛
介則誰能堪此渾彈錦瑟華年增望帝之悲宛訴銅盤

鉛水下仙
人之淚

薄暮過夏蓋湖

海日西難下湖波月易平
天圓雙鏡合村遠一燈明
鄉思憑歸鳥山光闕客程
路逢知已在不負剡溪行

范

坊字言可一字鷗田鄞縣人
官磁州州判著無可草

餽萬西郭園筍

新筍纔抽玉版長
爛斑紫鐸剝來香
老親說是家鄉味
分與清貧太守嘗

王元珏

字宏璧會稽人

登石屋

野飯梅花村徐入青松路
鳥道何鬱盤身與溪雲渡
幽篁不見天碧色莽迴互
忽聞山鳥呼一一入深樹
逸興雖飛揚心

神轉恐怖闐然巖谷間微茫辨黝堊豁達跨平岡頓愜登臨
趣歷歷羣山羅馳突如奔赴城郭俯人家模糊不知數老僧
自在閒愛此長年住杳杳鶴飛歸千村靄然暮

張鵬

字靜公號小南錢塘諸生著城南自
恨海岸綫愁新安遊藝城等集

邵志純曰小南先世北平人會祖諱思哲字邁遠崇禎
年授南陽府鄧州牧遭寇亂去官挈家來錢塘隱于西
湖及鼎革于重九日以栗糕黏藥服之暴卒嗣是舉家
世世不食栗餼小南體貌魁梧多髯慷慨好學遨遊四
方迄無所遇以諧生終

畱別章阮川

黃梅雨後送行舟昨日相逢復越游一載萍交渾是別千絲
柳折幾多愁山陰雪棹寒生浦江上雲帆冷入樓君到新安
見題句伯勞飛燕想悠悠

嚴

曉

字晴峯號山輝烏程人雍正庚戌進士官海防同知

默坐

小窗默坐看雲過幾見龍騰壁上梭纔逐緇塵更事少却從
青史閱人多轉蓬蹤跡原無定殘局輸贏更幾何香爇一爐
聊自喜莫悲岐路惜蹉跎

鄭

挺

字不羣秀水人典
子著秦濤居士詩

人日雨

江西道
中作

人日廉纖雨霏霏上客衣去年今夕酒白板故園扉歡譙還
如昨流光頓覺非五陵游俠少何處逐輕肥

鄭

溥

字博也秀
水人挺子

和蘆村叔廣寧冬至遣興用工部韻

飄泊無端歲月催忽驚至日又重來未能望氣書雲物先試
吹葭驗管灰茂苑有家憑曉夢綏江無雪借寒梅遙思佳節

團團處千首新詩酒百杯

錢中盛字又起號苟庭父號有萊鄴縣貢生敢忠孫廉子著雪鄴

范從律墓誌銘畧曰先生工詩古文辭故居不戒于火僅存西偏一隅先世圖書蕩然灰燼先生勉構廳事兼營東偏丙舍搜羅累世遺編付諸剞劂晚年益留意於聲詩花晨月夕拈韻命題流連不倦

馮文子學博詣先大人墓賦謝

誰復悲先子君來為舊盟寒天勞遠涉落日照荒塋手植松

杉大魂依澗壑清西洽懷四友古道益含情昔先大人目湯西崖學士高則

原大尹陳一王支學及先生為西洽四才子交最善

錢際盛字在德號近村又號春圃鄞縣人貢生中盛弟著娛白樓近草

鄭勳曰先生與同邑全謝山萬九沙兩太史交最契一時名流詩筒往還無虛日

送又起兄之京師

凍雲遂行舟默立不忍別拭泪欲有言未發聲先咽檢點行

筍間攜有數株筆筆鋒須善韜太剛恐易折

錢德盛

字容思號虛齋鄞縣諸生際盛弟著虛齋詩鈔

上元日大兄芍庭爲張蒼水先生設祭并祀世父忠介

公同人集拜卽用先生舟次琅琦謁忠介殯官韻

夜把遺編對濁油波臣舊事溯蒼頭迢迢黃蘗山中恨黯黯南屏寺畔愁新櫺初修先哲祀通家重踵故交遊初元令節成佳話春煦明衣不用裘

倪繼宗

字泰徵號復野餘姚歲貢生官遂安訓導著小野全集一名復野集

倪紹岳曰先祖嘗重刻姚江逸詩輯續姚江逸詩文節經鉏堂雜誌並藏于家

七月廿六夜夢過梨洲黃先生贈我墨精兩笏醒而記

此

不見于牆便見羹夢中猶是拜先生南雷此日思懷謝

南雷文案

先生所著書名又黃東海當年喜識荆崑山三徐咸以綵筆得識先生爲幸

竹農家署曰懷謝堂花開雙蝶舞金丹骨換一身輕殷勤賜記連城璧黃竹千竿

兩墨精

喜蘇畊餘捷南宮

積衰誰爲起衰人一振從前氣象新兄弟卽今同賦轍友朋自昔比雷陳金鍼暗度鴛鴦譜玉尺橫裁錦繡茵若上承明親試策也須愷切訴民貧

漫贈

老去少朋舊他鄉得所親交情柔似水詩意好於春窗小花侵案樓空月近人天涯共飄泊語罷轉傷神

除夕

歲事尋常不繫懷沈沈漏鼓一衙杯貧同竹節年俱長量比

梅花日漸開雪滿樓頭如玉積經遺膝下勝金堆醉來頓發
凌霄興直上龍峯踞石臺

舟次

映江枯木倒棲鴉水底晴光泛紫霞作客身輕舟一葉歸家
路遠夢三叉鐘聞野寺隨風竹佛占空山亂雨花解悟無邊
耐岑寂百年心事嘆如麻

過解園贈大方上人

僻處松篁裏悠然別有天香清花入定夢破鶴隨禪悟徹心
三昧吟成偈百篇老僧能愛客把臂話前緣

柴潮生

字禹門號嶼青仁和人載庸子雍正甲辰舉人歷官戶科給事中

奉

命巡北城江揆若以書來勉答寄

九重忽下紫泥封報

國曾無尺寸功粉署郎官慚抗疏繡衣使者例乘騄養苗去
莠傳君語補拙當勤飭我躬多謝故人珍重意江鄉早晚覓
飛鴻

兩浙輜軒錄卷十八